



UNIVERSITETI I EVROPËS JUGLINDORE  
УНИВЕРЗИТЕТ НА ЈУГОИСТОЧНА ЕВРОПА  
SOUTH EAST EUROPEAN UNIVERSITY

## Study program **E Drejta Civile (2022/2023)**

Fakulteti	Drejtësia
Cikli i studimeve	Cikli i dytë (Pasdiplomike)
SETK	120
Kodi	N-MLAWCIV120C
Titulli	Magjistër i shkencave juridike / Drejtimi: E drejta civile
Numri në arkiv i akreditimit [120]	03-1625/1
Vendimi për fillim me punë	
Data akreditimit	27.05.2022

## Përshkrimi i programit

Programi studimor *E Drejta Civile* synon të ofrojë një gamë të moduleve që do të përbëjnë bazën e informacioneve dhe të dijeve të avancuara mbi lëndët juridike civile me qëllim të aftësisë profesionale të studentëve për profesionet themelore juridike që lidhen me këtë lëmë, duke ofruar njohuri solide, të veçanta dhe sistematike mbi institutet dhe konceptet e të drejtës civile në RMV dhe njohuri krahasuese nga rajoni dhe BE-ja.

## Karriera

Diploma e Fakultetit juridik njihet nga Oda e avokatëve dhe e noterëve në RMV. Titujt profesionalë të avokatëve dhe noterëve kërkojnë regjistrim formal në këto oda. Diploma e Fakultetit juridik u mundëson studentëve një qasje relevante në organet shtetërore, sidomos në organet gjyqësore dhe të drejtësisë si: gjykatat dhe prokuroritë publike. Fakulteti juridik ka nënshkruar marrëveshje bashkëpunimi me Akademinë për trajnimin e gjykatësve dhe të prokurorëve publikë në RMV. Studentëve që do të kenë ambicie të merren me punë hulumtuese shkencore, Fakulteti juridik i UEJL-së, u mundëson vazhdimin e studimeve të ciklit të tretë (studime të doktoratës).

## Rezultatet e të mësuarit

### Njohuritë dhe të kuptuarit

- Ka dituri të hollësishme nga e drejta civile, si ajo materiale ashtu edhe nga ajo procedurale, si dhe nga normat themelore në lëmenjtë kryesorë të së drejtës civile;
- Ka njohuri të hollësishme të parimeve dhe instituteve të së drejtës civile, përfshirë edhe origjinën dhe përmbajtjen e tyre;
- Vlerëson lëmin e së drejtës civile në mënyrë kritike, nga këndvështrimi shkencor dhe praktik;

### Aplikimi i njohurive dhe të kuptuarit

- I zhvillon dhe avancoon shkathësitë e hulumtimit analitik dhe të zgjidhjes së problemeve në teori dhe praktikë

- nëpërmjet përdorimit të akteve legjislative dhe praktikës gjyqësore;
- Identifikon dhe analizon probleme më të komplikuar, duke marrë pjesë aktive në të gjitha fazat e procedurës civile dhe mund të interpretojë çështje të ndërlikuara të legjislacionit civil (përfshirë punën si gjykatës, avokat, noter), pasi të ketë fituar kualifikimet e duhura sipas legjislacionit të RMV;

### **Aftësitë për të vlerësuar**

- Ka mendim më të zhvilluar kritik përmes metodës së analizës dhe të krahasimit;
- Zhvillon shkathtësi për zgjidhjen e problemeve përmes praktikës së zgjidhjes së rasteve më komplekse nga jurisdiksioni dhe praktika gjyqësore vendore dhe ndërkombëtare;

### **Aftësitë e komunikimit**

- Përdor terminologji adekuate për çështje komplekse dhe specifike në sferën e shkencave juridike-civile;
- Sjell vendime më të avancuara dhe punon në mënyrë të drejtpërdrejtë dhe efektive në të gjitha fazat e procedurës gjyqësore civile;
- Angazhohet aktivisht në argumentimin dhe debatin shkencor;
- I përdor gjuhët zyrtare të Universitetit dhe ka shkathtësi të avancuara të teknologjive të informimit në punën shkencore;

### **Aftësitë e të mësuarit**

- Zhvillon rregullore për punë kërkimore që përdoret në profesionin e tij;
- Zhvillon një praktikë të mësimit të vazhdueshëm duke u angazhuar në trajnimin e personave që punojnë në institucionet shtetërore për parandalimin e kriminalitetit;

## **Lista e lëndëve**

### **Semestri 1**

- [MCL-0102] [6.0 SETK] **E drejta civile (program i zbatuar)**
- [MCL-0101] [6.0 SETK] **E drejta sendore (program i zbatuar)**
- [CM160] [6.0 SETK] **E drejta e detyrimeve (program i zbatuar)**
- [6.0 SETK] **Lëndë zgjedhore**
- [6.0 SETK] **Lëndë zgjedhore**

### **Semestri 2**

- [CM161] [6.0 SETK] **E drejta tregtare (program i zbatuar)**
- [CM162] [6.0 SETK] **E drejta familjare (program i zbatuar)**
- [MCL-0202] [6.0 SETK] **E drejta kontestimore**
- [6.0 SETK] **Lëndë zgjedhore**
- [6.0 SETK] **Lëndë zgjedhore**

### **Semestri 3**

- [MCCR1120] [6.0 SETK] **Metodologjia e hulumtimit**
- [MCL-0301] [6.0 SETK] **Kolizioni i ligjeve**
- [EMCL-04] [6.0 SETK] **E drejta trashëgimore (programi i zbatuar)**
- [EMCL-04] [6.0 SETK] **E drejta përmbarese dhe jashtëkontestimore**
- [6.0 SETK] **Lëndë zgjedhore**

### **Semestri 4**

- [MCCL4010] [30.0 SETK] **Punimi i magjistraturës**

## **Description of courses**

### **Lëndë obligative**

- **E drejta civile (program i zbatuar)**

Ky program studimor ka për qëllim t'i pajisë studentët me aftësi përmes së cilave praktikisht do t'i aplikojnë njohuritë e tyre në fushën e së drejtës civile, aftësi që duhet ta zotërojë çdo jurist. Në pjesën e së drejtës civile - nga studenti pritet që para së gjithash ta zotërojë teknikën e aplikimit të duhur të legjislacionit (lexim dhe interpretim i normave ligjore). Gjithashtu, nga studenti pritet ta zotërojë teknikën e përgatitjes së veprave juridike (kontrata, teste, testament), përgatitjen e llojeve të ndryshme të parashtresave (padi, ankesa, kundërshtime, kërkesa) dhe përgatitjen e akteve të organeve gjyqësore (aktgjykime, vendime) dhe akte të tjera të organeve administrative (vendime, kontrata), me të cilat krijohen, ndryshojnë dhe pushojnë marrëdhëniet civile-juridike. Përveç kësaj, lënda ka për qëllim t'u mundësojë studentëve të njihen me realizimin e instituteve të së drejtës civile (pjesa e përgjithshme, e vërtetë, detyrime dhe të drejtës trashëgimore), në praktikë. Me përvetësimin e këtij materiali pritet që studenti të fitojë aftësi që njohuritë e tyre teorike të çështjes së drejtës civile t'i përdorë për t'i zgjidhur rastet praktike.

- **E drejta sendore (program i zbatuar)**

Qëllimi i kësaj lënde është që studentët të fitojnë: - aftësi për aplikim praktik të njohurive të tyre në sferën e së drejtës pronësore, aftësi që duhet ta ketë çdo jurist. - njohuri teorike dhe praktike në fushën e të drejtës së pronësisë, si fushë shumë e rëndësishme dhe aktuale në Sistemin Juridik të RMV-së. - njohuri në lidhje me sistemin e së drejtës pronësore dhe të legjislacionit në këtë fushë. - aftësi për të zotëruar teknikën e aplikimit të duhur të legjislacionit (leximin, interpretimin dhe zbatimin e normave ligjore në rastet konkrete) në fushën e së drejtës pronësore. - njohuri të detajuara të instituteve të drejtës pronësore në sistemin juridik të RMV.

- **E drejta e detyrimeve (program i zbatuar)**

T'u sigurojë studentëve njohuritë bazë të Ligjit të detyrimeve, të nevojshme për lidhjen e një marrëdhënie juridike të detyrimit; t'u ofrojë studentëve njohuri themelore se si të lidhin kontrata dhe të zbatojnë institutet juridike. Duke mësuar këtë lëndë, studentëve u mundësohet të jenë në gjendje të lidhin marrëveshje të caktuara si burime në ligjin e detyrimeve, të jenë në gjendje të dallojnë se çfarë lloj përgjegjësie është, kush duhet të jetë përgjegjës dhe në çfarë kushtesh.

- **E drejta tregtare (program i zbatuar)**

Qëllimet e lëndës: Të aftësojë studentët të njihen me rregullat ligjore për kryerjen e një veprimtarie. Mënyra e organizimit të subjekteve afariste, kushtet për themelimin dhe regjistrimin e subjekteve afariste dhe pronarit të vetëm, si dhe mënyrat e përfundimit të subjekteve afariste; mënyrat e krijimit të një marrëdhënie juridike biznesi, kushtet për shfaqjen e atyre marrëdhënieve, efektet dhe pasojat; që kanë të bëjnë me letrat me vlerë: hake për mbrojtjen e të drejtave të pronësisë industriale dhe mënyra për të mbrojtur subjektet e biznesit nga konkurrenca e padrejtë: mënyra për të mbrojtur konsumatorët, etj.

- **E drejta familjare (program i zbatuar)**

Në këtë lëndë studentët do të fitojnë njohuri për format bashkëkohore të marrëdhënieve familjare, rregullimin nacional dhe ndërkombëtar të këtyre marrëdhënieve, mekanizmat e reja për zgjidhjen alternative të kontesteve juridike-familjare-mediacioni familjarë, si dhe institutet e reja nga E Drejta Familjare (Teknologjitë e reja të reproduktimit artificial: Inseminimi artificial, in vitro fekondimi, amësia surrogate, teknika "Foshnja me tre prindër" (Three-parent baby" technique), ko-prindëria, lindja e fëmijës nga një grua me material gjenetik të donuar, reproduktimi post-human); Instituti i prindërisë së përbashkët pas shkurrezimit; Kontrata martesore; Statusi juridik i banesës familjare (martesore). Studentët, në këtë lëndë, do të mësojnë edhe për reformat në legjislacionin familjarë të Republikës së Maqedonisë së Veriut.

- **E drejta kontestimore**

Programi i lëndës: - U ofron studentët njohuri të duhura teorike në të drejtën kontestimore, si një degë pozitive e së drejtës dhe shkencës. - U ofron studentëve njohuri teorike të koncepteve dhe institucionet kryesore të së drejtës kontestimore, siç është nocioni i procedurës kontestimore, parimet e procedurës kontestimore, lëndët e procedurës kontestimore, provat, seancat gjyqësore, veprimet procedurale dhe afatet për ekzekutimin e tyre, vendimet e gjykatës, mjetet juridike kundër vendimeve, procedurat e veçanta, etj. - I njofton studentët me çështjet dhe problemet që lidhen me konceptin e së drejtës kontestimore, si dhe me rrugën e zhvillimit historik të institucioneve të së drejtës kontestimore. - U mundëson studentëve t'i mësojnë dhe t'i analizojnë institutet kryesore të së drejtës kontestimore në kontekstin e referencave ligjore dhe teorike nga Evropa dhe më gjerë. - E inkurajon mendimin analitik dhe kritik te studentët lidhur me problemet, me të cilat, e drejta kontestimore aktualisht po përballet në RMV.

- **Metodologjia e hulumtimit**

Studentët do të jenë në gjendje: - T'i aplikojnë metodat kryesore juridike dhe metodat tjera hulumtuese. - Ta

mbledhin në mënyrë kritike materialin kërkimor që është relevant dhe që citohet në mënyrë selektive në përgjigjet e tyre. - Ta kuptojnë vëllimin e procesit të hulumtimit dhe qasjen në metoda të ndryshme të kërkimit shkencor dhe të jenë në gjendje t'i kritikojnë ato. - Ta studiojnë, përmes qasjes së avancuar, raportin midis teorisë juridike dhe praktikës kërkimore. - T'i aplikojnë shkathtësitë dhe njohuritë e mësuara në tezat e tyre.

- **Kolizioni i ligjeve**

Në këtë lëndë do të mësohen institutet e përgjithshme, nocioni dhe marrëdhëniet në fushën e konfliktit të ligjeve.

- **E drejta trashëgimore (programi i zbatuar)**

Në këtë lëndë, studentët, do të fitojnë njohuri për karakteristikat më të rëndësishme të sistemit juridiko-trashëgimorë evropian dhe atë bashkëkohorë, me theks të veçantë mbi trashëgiminë dhe të drejtën trashëgimore në RMV. Studentët, do të kenë mundësi të njihen me procedurën kalimit të masës trashëgimore tek trashëgimtarët, si dhe me teknikën e ekzekutimit të shpërndarjes së trashëgimisë nëpërmjet rrethesh ligjore të trashësimisë. Nga kjo lëndë, studentët, pritet që të mësojnë se si t'i interpretojnë dispozitat e Ligji për trashëgimi të RMV-së.

- **E drejta përmbarese dhe jashtëkontestimore**

Qëllimi i kësaj lënde është t'i njoftojë studentët me: - rregullat e procedurës sipas të cilave gjykatat veprojnë dhe vendosin në situatat dhe marrëdhëniet personale, pronësore dhe ato të tjera ligjore; - subjektet që veprojnë si pjesëmarrës në procedurat jashtëgjyqësore, me zbatimin e procedurës, me vendimet - zgjidhjet të cilat sillen në procedurat jashtëgjyqësore, me mjetet juridike etj.; - rregullat sipas të cilave veprojnë përmbaruesit për ekzekutimin e detyrueshëm të vendimit gjyqësor për përmbushjen e detyrimit, - ekzekutimin e detyruar të një vendimi të marrë në një procedurë administrative për përmbushjen detyrimit monetar, - ekzekutimin e detyruar të dokumenteve noteriale dhe dokumenteve të tjera ekzekutive, të parapara me ligj, për zbatimin në anije dhe avionë; - subjektet e ekzekutimit, bazës së ekzekutimit, subjektit të ekzekutimit të detyrueshëm;

- **Punimi i magjistraturës**

Kjo lëndë u mundëson studentëve t'i bartin shkathësitë dhe dituritë e tyre për hulumtimin dhe hartimin e e detyrës më të komplikuar - shkrimin të punimit të magjistraturës. Lënda është paraparë që tërësisht të jetë praktike dhe studentët t'i fitojnë dituritë dhe aftësitë, shkathtësitë dhe besimin e nevojshëm që t'i qasen hulumtimit dhe shkrimin të tezës. Lënda ka vetëm një rezultat kthyes - t'u mundësojë studentëve ta shkruajnë tezën e magjistraturës me vështirësi minimale dhe me efektivitet maksimal. Gjithçka që është paraparë që të bëhet ka për qëllim përmirësimin e teknikave të hulumtimit dhe të stilit të shkrimin të tezës së magjistraturës, duke pasur kujdes me këtë rast për ndalimin e shërbimit me mjetet e palejueshme, siç janë: plagjiatura dhe shkelja e të drejtave të autorit, që ndalohen me Statutin e UEJL-së.

## Lëndë zgjedhore

- **E drejta e punës (program i zbatuar)**

Qëllimi i lëndës: Të pajisë studentët me njohuri relevante mbi të drejtën e punës dhe sigurimit social, si degë pozitive e së drejtës dhe si shkencë; Të pajisë studentët me njohuri teorike mbi nocionet dhe institutet kryesore të së drejtës së punës dhe sigurimit social; Të njihen me korpusin e çështjeve dhe problemeve që studion dhe rregullon e drejta e punës dhe sigurimit social, me rrugën e zhvillimit historik të institucioneve të së drejtës së punës dhe sigurimit social; Të nxisë mendimin analitik dhe kritik të studentët lidhur me problemet me të cilët ballafaqohet sot e drejta e punës dhe sigurimit social në RMV dhe më gjerë.

- **Teknologjitë e reproduktimit artificial dhe e drejta prindore**

Qëllimi i kësaj lënde programi është t'iu ofrojë studentëve njohuri të avancuara mbi ndikimin e përparimeve në gjenetikë dhe teknologjitë e reproduktimit artificial në të drejtën familjare dhe të drejtën prindërore, të drejtat e njeriut dhe të drejtat e fëmijëve, përfshirë efektet e dokumenteve ndërkombëtare në legjislacionin kombëtar. Studentët, gjithashtu, do të fitojnë njohuri për diskutimet teorike, etike dhe ligjore mbi çështjet e bioteknologjisë, biomedicinës dhe ndikimin e tyre në krijimin e raporteve prindërore, si dhe balancën midis respektimit të të drejtave të njeriut dhe lirive themelore, si dhe nevojës për të siguruar lirinë e kërkimit siç është p.sh E drejta e fëmijët për të njohur prejardhjen gjenetike. Me studimin e kësaj lëndë studentët do të fitojnë njohuri edhe rreth të gjitha metodave të teknologjive të reja për reproduktimin artificial, të cilët janë pjesë e politikës bashkëkohore të natalitetit, duke përfshirë: inseminimin artificial; in vitro fertilizimi; amësia surrogate; lindja e fëmijës nga një grua me material gjenetik të donuar; reproduktimi post human; ko-prindëria (bashkëprindëria); ngjizja e fëmijës nga tre persona; krioprezervimi i gameteve ose embrioneve.

- **E drejta prindërore e krahasuar**

Në këtë lëndë studentët do të fitojnë njohuri për institutin më të rëndësishëm të drejtës familjare- të drejtën prindërore në të drejtën familjare të RMV-së dhe të drejtën krahasuese. Studentët, në këtë lëndë, përveç të drejtës prindërore tradicionale, do të fokusohen edhe në institutet më të reja nga e drejta prindërore, edhe atë: përgjegjësia e përbashkët prindërore pas shkurorëzimit të martesës; e drejta e fëmijës që të shpreh mendimin e tij në çështjet prindërore; respektimi i interesit më të lartë të fëmijës në të drejtën prindërore; e drejta e fëmijës për njohjen e prejardhjes së tij gjenetike; nevojat për ndryshimin e termit “ e drejtë prindërore” në “përgjegjësi prindërore”. Studentët, gjithashtu do të mësojnë për mënyrat bashkëkohore të themelimit të prindërisë përmes teknologjive të reja të riprodhimit artificial (Inseminimi artificial, in-vitro fekondimi, amësia surrogate, “Foshnja me tre pindër“ (Three-parent baby technique), ko-prindëria, lindja e fëmijës nga një grua me material gjenetik të donuar, riprodhimi post-human). Studentët, në këtë lëndë, gjithashtu, do të mësojnë edhe për reformat në legjislacionin familjarë të RMV-së, në pjesën e të drejtës prindërore.

- **Marrëdhëniet juridike-pronësore bashkëkohore të bashkëshortëve**

Me studimin lëndës Marrëdhëniet Juridike-Pronësore Bashkëkohore të Bashkëshortëve, nga studentët pritet që të fitojnë njohuri për rregullimin ligjor të marrëdhënieve pronësore të bashkëshortëve në Republikën e Maqedonisë së Veriut, si dhe në të drejtën komparative. Studentët, do të fitojnë njohuri për regjimin e pronësisë së përbashkët, karakteristike për vendet e ish-Jugosllavisë; do të njihen me regjimin e pronës së përbashkët në vendet skandinave dhe në Gjermani, si dhe me regjimin e pronës së veçantë që është karakteristikë e Britanisë së Madhe. Gjithashtu, vëmendje do t'i kushtohet zhvillimit historik të pronës dhe marrëdhënieve juridike në Republikën e Maqedonisë së Veriut. Në legjislacionin bashkëkohor, kontrata martesore (paramartesore), gjithashtu, ka fituar shumë rëndësi, me anë të cilës vetë bashkëshortët rregullojnë marrëdhëniet e ndërsjella të pronësisë. Studentët, do të fitojnë njohuri më të thella për kontratën martesore dhe paramartesore.

- **E drejta e pronësisë intelektuale**

Lënda ka për qëllim: - T'i njohë studentët me të drejtat e autorit dhe të drejta e përafërta me të drejtat e autorit, natyrën juridike dhe kohëzgjatjen e tyre. - T'i pajisë studentët me njohuri nga e drejta e pronësisë industriale, si bazë për mësimin e rregullave juridike për mbrojtjen juridike të shpikjeve, markave tregtare, dizajnit industrial, shenjave gjeografike dhe formave të tjera të pronësisë industriale. - T'i pajisë studentët me njohuritë e përgjithshme për mënyrën e regjistrimit të të drejtave të pronësisë industriale, përfshirë këtu edhe plotësimin e kushteve të përgjithshme për mbrojtjen dhe regjistrimin e tyre. - T'i informojë studentët në mënyrë profesionale për mënyrën e themelimit të licencës, kushtet e qarkullimit të këtyre të drejtave, efektet, pasojat e kështu me radhë. - T'i aftësojë studentët për punë në lidhje me qarkullimin e të drejtave të pronësisë industriale. - T'i njohë studentët me legjislacionin që mbron të drejtat e pronësisë intelektuale si në aspektin nacional, ashtu dhe në atë ndërkombëtar. - T'i njohë studentët me mënyrat e mbrojtjes juridike të të drejtave të pronësisë intelektuale dhe më konkretisht me mbrojtjen juridiko-penale, juridiko-civile dhe juridiko-administrative.

- **E drejta e sigurimit**

Studentët, do të fitojnë njohuri të avancuara mbi të drejtën e sigurimit dhe legjislacionin pozitiv që lidhet me këtë sferë. Kjo lëndë do t'u mundësojë studentëve të analizojnë sigurimet sipas të drejtës pozitive të RMV-së dhe shteteve anëtare të Bashkimit Evropian. Duke e analizuar legjislacionin e sigurimeve (Ligji për marrëdhëniet detyrimore) dhe lex specialis, ligjet në lidhje me këtë sferë, studentët do të jenë në gjendje të përcaktojnë rëndësinë dhe objektin e rregullimit të së drejtës së sigurimit. Qëllimi tjetër i lëndës është që studentët të pajisen me njohuri të nevojshme për sigurimin, i cili sot konsiderohet si parakusht themelor për sigurinë ekonomike dhe sociale, si për personat juridikë ashtu edhe për personat fizikë, për zhvillimin e veprimtarisë së investimeve. Njohuritë e tyre do t'iu shërbejnë për të punuar në mënyrë kompetente në sferën e sigurimeve.

- **E drejta e falimentimit**

Kjo lëndë synon t'i pajisë studentët, që në mënyrë të pavarur t'i identifikojnë dhe analizojnë në mënyrë kritike institucionet themelore të falimentimit dhe procedurës së falimentimit, të zhvillojnë aftësitë për të aplikuar njohuritë e fituara në praktikë në lidhje me falimentimin dhe procedurën e falimentimit.

- **Përgjegjësia juridiko - civile për dëmin e shkaktuar**

Qëllimi i lëndës: -T'i nxisë studentët që në mënyrë kritike ta analizojnë aplikimin e rregullave për kompensimin e dëmit; -Të zhvillojë tek studentët qasje praktike në gjetjen e zgjidhjeve për rregullimin e rasteve praktike nga marrëdhëniet detyrimore që krijohen me shkaktimin e dëmit; -Të kontribuojë që studentët ta kuptojnë ndikimin e zhvillimit të ekonomisë në zhvillimin e të drejtës për kompensimin e dëmit; -Të demonstrojnë shkaktësi për zgjidhjen e rasteve konkrete të shkaktimit të dëmit dhe kompensimit të tij.

- **E drejta kontraktore**

Qëllimi i lëndës: T'u sigurojë studentëve njohuritë bazë të së drejtës së kontratave, të nevojshme për lidhjen e një marrëdhënie juridike të detyrimit; t'u ofrojë studentëve njohuri themelore se si të lidhin kontrata dhe të zbatojnë institutet juridike. Duke mësuar këtë lëndë, studentëve u mundësohet të jenë në gjendje të lidhin marrëveshje të caktuara si burime në ligjin e detyrimeve, janë në gjendje të dallojnë se çfarë lloj përgjegjësie është, kush duhet të jetë përgjegjës dhe në çfarë kushtesh.

- **E drejta e mbrojtjes së konsumatorëve**

Qëllimi i lëndës • T'u mundësojë studentëve të njihen me rregullat ligjore për mbrojtjen e konsumatorit jo vetëm në vendin tonë, por edhe në të drejtën krahasuese me referencë të veçantë për vendet e BE -së. • Mënyrat e mbrojtjes së të drejtave të konsumatorit; • Procedura për mbrojtjen e të drejtave të konsumatorit; • Mekanizmat ligjorë për mbrojtjen e të drejtave të konsumatorëve, siç janë: mekanizmat ligjorë publik, mekanizmat juridikë administrativë dhe mekanizmat ligjorë privatë • Çështje të tjera që lidhen me të drejtat e konsumatorit.

- **Zgjidhja alternative e konflikteve**

Lënda u mundëson studentëve të njihen me aspektet pozitive të mënyrave alternative të zgjidhjes së mosmarrëveshjeve (ndërmjetësimin, pajtimin, arbitrazhin, arbitrazh-ndërmjetësimin, mini-gjykimin, vlerësimin neutral të hershëm), përparësitë ndaj procedurave gjyqësore, efektet e tyre, dilemat etike në ndërmjetësim, etj.

- **E drejta e krahasuar civile**

Qëllimi i lëndës: • T'i pajisë studentët me njohuri themelore nga aspektet më të rëndësishme të së drejtës së krahasuar; • T'u paraqesë studentëve metodologjinë krahasuese në studimin e së drejtës civile; • Të ju ofrojë studentëve njohje më të mirë të së drejtës nacionale përmes studimit të të drejtave të huaja; • Të zhvillojë shkathtësi kritike të analizimit dhe interpretimit të normave të ndryshme të të drejtës civile nga sistemet me të rëndësishme juridike nëpërmjet metodologjisë krahasuese.

- **E drejta familjare bashkëkohore**

Kjo lëndë plotëson nevojat e të gjithë studentëve, pavarësisht nëse ata kërkojnë të përqendrohen në institucionet më të rëndësishme dhe më të reja të së drejtës familjare: familjen bashkëkohore; çështjet martesore - pushimi i martesës, përgjegjësia prindërore, kujdestaria e fëmijës pas shkurorëzimit (përgjegjësia e përbashkët prindërore pas shkurorëzimit), ndarja e pasurisë së përbashkët të bashkëshortëve; kontrata martesore; çështjet lidhur me mbrojtjen së fëmijës - keqpërdorimi dhe moskujdesi i fëmijëve dhe sistemi i mirëqenies së fëmijëve; ose dëshirojnë të fokusohen në një nga fushat subspecialiste - E drejta ndërkombëtare e familjes; Reformat në legjisllacionin familjarë të RMV-së; Të drejtat ndërkombëtare të fëmijëve - pro future; Përfaqësimi i familjeve të të njëjtës gjini; Krijimi i familjes përmes teknologjisë së re të reprodukimit artificial si dhe të gjitha metodat e fekondimit të asistuar biomjekësorë. Studentët, gjithashtu, do të mësojnë për perspektivat lidhur me unifikimin dhe harmonizimin e të drejtës familjare në Evropë, si dhe rolin dhe kontributin e Komisionit për të drejtën familjare evropiane në këtë drejtim. Përmes kësaj lënde, studentët do të mësojnë për kompetencën e Bashkimit Evropian në çështjet familjare. Ata, gjithashtu, do të punojnë në rastet më të rëndësishme familjare para Gjykatës Evropiane të të Drejtave të Njeriut.

- **E drejta e tokës**

E Drejta e Tokës është e drejta që ka të bëjë me të drejtën e pronësisë dhe të drejtat e tjera sendore mbi tokën ose mbi pasuritë e paluajtshme në përgjithësi, si dhe me regjimin ligjor të llojeve të ndryshme të tokave. Në kuptimin më të gjerë të fjalës, në bazë të parimit superficies solo cedit, fjala 'tokë' nuk i referohet vetëm tokave, por dhe ndërtesave dhe të mbjellave në atë tokë. - Lënda ka për qëllim t'u sigurojë studentëve njohuri relevante mbi të drejtën e tokës dhe rregullimin e kësaj sfere. - Studentët, do të njihen me klasifikimet e ndryshme të tokave, siç janë: toka ndërtimore, toka bujqësore, pyjet, kullotat, varreza, si dhe rregullimin e tyre ligjor. - Studentët, do të njihen me rregullimin ligjor të llojeve të tjera të pasurive të paluajtshme, siç janë: ndërtesat dhe do të fitojnë njohuri për llojet e ndryshme të ndërtesave: objektet për banim apo ndërtesat banesore, objektet për qëllime komerciale apo ndërtesat tregtare, etj. - Studentët, do të njihen me procesin e planifikimit dhe zhvillimit të territorit, procesin e regjistrimit të të drejtave mbi pasuritë e paluajtshme, procesin e nacionalizimit dhe denacionalizimit të pronës dhe procesin e legalizimit. - Studentët, do të aftësohen t'i dallojnë llojet e ndryshme të pasurive të paluajtshme dhe regjimin ligjor që zbatohet për secilin lloj dhe do të njihen me procedurat administrative që lidhen me administrimin e tyre.

- **Regjistrimi i të drejtave të pasurive të paluajtshme**

Kjo lëndë është një segment i të drejtës sendore, përmes së cilës studentët do të njihen me sistemin e regjistrimit të të drejtave mbi pasuritë e paluajtshme në RMV, me parimet themelore të regjistrimit të pasurive të paluajtshme, si dhe me mënyrën e regjistrimit të të drejtave. - Studentët do të njihen me Sistemin Informativ Kadastral Gjeodezik (SIKGJ) i cili mundëson grumbullimin, përpunimin, mirëmbajtjen, menaxhimin, shfrytëzimin, shpërndarjen, lëshimin dhe qasjen unike në të dhënat e kadastrës së pasurive të paluajtshme, si dhe me llojet e të dhënave që përmban SIKGJ. - Studentët do të njihen me punën e Agjencisë për Kadastër të Pasurive të Paluajtshme, me statusin dhe

kompetencat e Agjencisë, me organet e Agjencisë për Kadastër dhe me strukturën e organeve të shërbimit profesional në Agjenci. - Studentët do të fitojnë njohuri mbi mënyrat e mënyrat e krijimit të kadastrës së pasurive të paluajtshme, d.m.th. ata do të njihen me: regjistrimin sistematik të të drejtave të pasurive të paluajtshme, regjistrimin individual të të drejtave të pasurive të paluajtshme, regjistrimin e të drejtave të paregjistruara mbi pasuritë e paluajtshme pas krijimit të kadastrës së pasurive të paluajtshme, si dhe shndërrimin e të dhënave nga kadastra e tokës në kadastrë të pasurive të paluajtshme. - Studentët do të njihen me të drejtat, mënyrat e regjistrimit të të drejtave, llojet e regjistrimit, bazat për regjistrimin e të drejtave të pasurive të paluajtshme në kadastrën e pasurive të paluajtshme, të dhënat që lëshon kadastra, si dhe me mënyrën e mirëmbajtjes së kadastrës së pasurive të paluajtshme. - Përmes kësaj lënde studentët do të zotërojnë teknikën e zbatimit të duhur të rregullave ligjore në fushën e regjistrimit të të drejtave të pasurive të paluajtshme. - Studentët do të fitojnë njohuri multidisiplinare, jo vetëm në fushën e së drejtës, por edhe në fushën e punëve gjeodezike, të cilat do t'u mundësojnë atyre të zgjidhin në mënyrë rrënjësore çështjet nga fusha e regjistrimit të të drejtave të pasurive të paluajtshme. - Do të inkurajohet mendimi analitik dhe kritik i studentëve në lidhje me problemet dhe sfidat me të cilat përballet sot sistemi i regjistrimit të pasurive të paluajtshme në RMV.

- **Barazia gjinore dhe mosdiskriminimi**

Lënda Barazia Gjinore dhe Mosdiskriminimi ka për qëllim që tek juristët e ardhshëm të paraqes një pamje sa më afër të vërtetës të barazisë gjinore dhe mosdiskriminimit, në mënyrë që ata të formojnë një kuptim të drejtë lidhur me këto çështje, të çrrënjosin paragjykimet dhe stereotipat, gjë që do të ndikojë më tej për të përmirësuar punën e tyre, qoftë përmes hartimit të ligjeve dhe ngritjes së institucioneve dhe sistemeve më të drejta, ashtu dhe në zbatimin e drejtë e të paanshëm të ligjit. - Në radhë të parë, lënda ka për qëllim të shpjegojë konceptin e diskriminimit gjinor, stereotipave dhe paragjykimeve gjinore, të barazisë, integritimit dhe drejtësisë gjinore. - Një tjetër qëllim është ndërgjegjësimi i studentëve për rëndësinë e barazisë gjinore si respektim i të drejtave njerëzore të grave dhe burrave, dhe pasojat e mungesës së barazisë gjinore. - Lënda synon, gjithashtu, të analizojë lidhjet e problemit të barazisë gjinore me fushën juridike, të ofrojë modele legislative të përparuara në fushën e barazisë gjinore dhe të ndihmojnë studentët të kuptojnë dhe analizojnë legjislacionin ekzistues të barazisë gjinore, dhunës në familje dhe mosdiskriminimit në RMV. - Studentët, do të njihen dhe me normat e të drejtës ndërkombëtare në fushën e barazisë gjinore dhe mënyrat e mbrojtjes ligjore nga diskriminimi.

- **E drejta noteriale**

Me anë studimit të kësaj lënde pritet që studentët të fitojnë njohuri më të thella për këtë pjesë të së drejtës, si dhe të fitojnë aftësi specifike për zbatimin e saj në praktikë. Detyrat e veçanta nga kjo lëndë janë: t'u mundësojë studentëve t'i identifikojnë në mënyrë të pavarur dhe në mënyrë kritike nocionet themelore dhe institutet e së drejtës noteriale, të zhvillojë aftësi për aplikimin e njohurive të fituara në praktikë në lidhje me kryerjen e punëve të caktuara noteriale.

- **Klinikë ligjore - e drejta civile**

Pas përfundimit të kësaj lënde, studentët do të jenë në gjendje: - T'i zbatojnë në mënyrë aktive parimet teorike juridike në probleme konkrete dhe të përditshme juridike; - Të demonstrojnë aftësi praktike juridike në trajtimin e klientëve në praktikën juridike, - Të përgatitin një akt juridik të strukturuar, ose analizë juridike për nevojat e klientëve; - Të punojnë në mënyrë efektive në një mjedis profesional, në mënyrë individuale dhe kolektive.